




叶爱竹诗选

叶爱竹



黄鹤楼

隔岸龟蛇几度秋，白云黄鹤两悠悠。
岷峨雪浪来三镇，荆楚楼台共一州。
满目山河城郭近，千年风雨古今忧。
老夫感慨尤无限，万里长江滚滚流。

游张谷英村

青山环合似围城，千里传名张谷英。
画栋雕梁楼阁古，小桥流水院庭深。
名题榜首连三代，地号江南第一村。
细品农家瓜菜美，三杯谷酒长精神。

题梅二绝

(一)

窗前月下淡胭脂，疏影横斜意态迟。
竹外松间谁是伴？多情更有我痴痴

(二)

天寒岁晚万花稀，忽报东风第一枝。
斗雪凌霜传警讯，人间事事要争时。

访韶山

韶峰直上白云间，竹翠松青绿水潺。
老屋三间传世界，英雄百战定江山。
开天劈地真非易，治国安邦大亦难。
今日潇湘花似锦，芙蓉清气满人寰。

游龙虎山有感

造访名山历远途，我来此地对山呼。
天师有术降龙虎，世上何人治鼠狐？

卸任口占

卸任谁人最爽心？辞官我自一身轻。
老来何不归闲去，整顿乾坤待后生。

六十初度

人生六十欲何求？老去年华却自由。
健体不唯常锻炼，养心何必纪春秋。
多情岁月闲中味，惬意文章梦里留。
花甲重开花更好，斜阳无限总悠悠！

清明回乡二绝

(一)

山前山后鹧鸪鸣，今日赋闲垄上行。
走遍东西南北路，回乡时节正清明。

(二)

村南村北响蛙声，种豆栽瓜趁雨晴。
归去来兮桑榆好，听从家父说农耕。

郊居

新住城郊外，楼临碧水前。
东篱黄菊灿，西岭白云闲。
桂馥弥南苑，雁行来北天。
秋凉时节好，吾意总陶然。

酒后有作

少年豪气几消磨，过隙无声逐逝波。
自信丹心如日月，还期夕照满山河。
人生老去时光浅，世事曾经感慨多。
身后功名谁管得，任他头白醉颜酡。

叶爱竹，教师，现居湖北黄石。